



Isalathiso: 20210415-2266
Inombolo yefayili: 12//2/13/6
Imibuzo: A Henriques

INGcaciso eMfutshane yeCandelo loKuxhasa amaZiko ngeziBonelelo: 0002/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zoKunika iNkxaso kwikharithulam, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo nakwiiNqununu zezikolo zikarhulumente eziqhelekileyo

Isihloko: Ifasilithi yokwenza i-odolo ngekhompyutha eyenzelwe uku-odola iincwadi zezifundo zekharithulam ye-CAPS zamaBakala 1 ukuya ku-12

1. Izikolo zaseNtshona Koloni zilindeleke ukuba zinike umfundi obhalisileyo ngamnye incwadi yokufunda eyenzelwe isifundo ngasinye.
2. Ukwenzela ukuqinisekisa ukuba bonke abafundi kwisikolo ngasinye banazo iincwadi zezifundo ezenzelwe isifundo ngasinye ngo-2022, kucelwa iinqununu ukuba:
 - 2.1 zichaze inani elilindelekileyo labafundi abaza kubhaliswa kwibakala ngalinye ngo-2022;
 - 2.2 zenze uqikelelo lwenani elilindelekileyo labafundi abongezelekileyo ekuqaleni ngo-2022 ngokusekelwe kwindlela ekuqhele ukwenziwa ngayo kwiminyaka edlulileyo yakutshanje;
 - 2.3 ziqinisekise ukuba zonke iincwadi zezifundo ezingasetyenziswanga ezikumagumbi azizitora ngoku zithathelwe ingqalelo; kwaye
 - 2.4 zithathele ingqalelo ireyithi yokugcinwa kweencwadi zezifundo yokuphela konyaka yale minyaka yakutshanje.
3. Ingcaciso ekwingongoma 2 kufuneka isetyenziselwe ukuxhasa i-odolo yokongezelela inani elifunekayo leencwadi zezifundo ukwenzela u-2022.

4. Izikolo ziya kunikwa ithuba elinye kuphela lokuba zenze i-odolo yokongezelela inani elifunekayo leencwadi zezifundo ngo-2021, phakathi kowe-17 nowe-28 Meyi, zisebenzisa ifasilithi yekhompuyutha eziyininike liSebe leMfundo leNtshona Koloni (WCED). Oku kuthetha ukuba izikolo kufuneka zibenexesha lokucwangcisa iimfuno zokongezelela inani elifunekayo leencwadi zezifundo ezenzelwe u-2022, zithathela ingqalelo zonke iimeko ezichazwe kwingongoma 2.
5. Imimiselo nemigangatho yenkxaso-mali yezixhobo ezixhasa ukufunda nokufundisa ezikolweni iya kusetyenziselwa ukuhlawulela ii-odolo zokongezelela inani elifunekayo leencwadi zezifundo neencwadi zezifundo zokukhula kwamanani abafundi ngo-2022.
6. Ziyakhuthazwa izikolo ukuba zigqibe amalungiselelo azo phambi kwethuba lokufakwa kwee-odolo kwikhompuyutha nokuba ziqale ukufaka kwikhompuyutha inani elifunekayo leencwadi zezifundo ukususela ngosuku ekuvulwe ngalo isistim yekhompuyutha ngowe-17 Meyi 2021.
7. Xa ungena kwi-CEMIS, khetha i-option "Administration" kwi-menu bar yaye ukhethe u-"CAPS textbook top-up" kwilisti eyehlayo. Kuya kuvela imenyu engezantsi (sub-menu) eya kwenza ukuba ungene kwisikrini i-capture screen kunye nesikhokelo i-"How to guide". Ziyakhuthazwa izikolo ukuba ziziqhelanise neekhontenti zesikhokelo i-How to guide" phambi kokuba zifake kwikhompuyutha ii-odolo zokongezelela inani elifunekayo leencwadi zezifundo.
8. Kucelwa ukhangele kumyalezo wokwamkelwa nesikhokelo (welcome note and guide) kwi-CEMIS ukuqinisekisa ukuba ngubani na emakudityanwe naye xa kunokubakho nayiphi na ingxaki yokufakwa kwikhompuyutha kwee-odolo zokongezelela inani elifunekayo leencwadi zezifundo.
9. Zakuba zingqinisisiwe yaye zasayinelwa yinqununu ii-odolo zekhompuyutha, isikolo kufuneka siprinte ikopi eliphepha ye-odolo engqinisisiweyo, siyitshekishe ukuchaneka kwayo yaye siyigcine kwiirekhodi.
10. Apho singafumanekiyo isihloko (title) sencwadi kwisistim yokwenza i-odolo, isikolo kufuneka sisebenzise ithemplethi yokwenza i-odolo eqhotyoshelweyo (Addendum 1) uku-odola iincwadi zezifundo ezivunyiweyo zekharithulam ye-CAPS eziyimfuneko. Ifom ezalisiweyo ye-odolo kufuneka ingeniswe ngekompuyutha ngqo kuMnu Bernard Stoffels (inombolo yefoni 021 467 2345) ku- Bernard.Stoffels@westerncape.gov.za ungalulanga owe-28 Meyi 2021.
11. ISebe iWCED liqaphele okokuba izikolo ziqhele ukukulandula ukuziswa kwee-odolo ebezenziwe ngokungachanekanga zizikolo, yaye oko kuchaphazela iimeko zezemali zabathengisi. Abathengisi okanye ii-arhente ezizisa iincwadi zezifundo zabo aziyi kunyanzeleka ukuba zibuyisele ii-odolo ezithengiweyo ezichanekileyo. Kukhunjujwa iinqununu ukuba izikolo zinoxanduva lokuphendula malunga nemali esetyenziselwe ii-

odolo ezenziwe kwi-CEMIS kwaye azinakukhetha ukwenza ngenye indlela, ngaphandle kokuba zizamkele iincwadi zezifundo ezizisiweyo ngokungqinelana ne-odolo esemthethweni.

12. Kucelwa wazise ngokuqulethwe yile setyhula kubo bonke abasebenzi abachaphazelekayo ukuze bakuthathele ingqalelo.

ISAYINWE: NGU-MS ABRAHAMS

USEKELA MLAWULI-JIKELELE WOCWANGCISO LWEMFUNDO

UMHLA: 2021-04-23